



agenzia regionale  
per il diritto allo studio  
**Friuli Venezia Giulia**



**A.A. 2024/2025**

## **BANT UNIC PAI BENEFICIS REGJONÂI**

Il progjet al è cofinanziât, intal ambit dal PNRR, de Union Europeane, iniziative Next Generation EU, invistiment 1.7 “Borsis di studi pal acès ae universitât” de Mission 4 Componente 1 e intal ambit dal PR FSE+ Regjon Friûl-Vignesie Julie 2021-2027, prioritât 4 – Zovins.

### **CALENDARI DES SCJADINCIS**

Par domandâ i beneficis, i students a àn di compilâ la domande online, che e sarà disponibile in maniere indicative a tacâ dai 15 di Lui dal 2024, tal sît [www.ardis.fvg.it](http://www.ardis.fvg.it), e mandâle **dentri des 13.00 (ore estive taliane/GMT+2/UTC+2/CEST) de zornade di scjadince segnade inte tabelle**, daûr des modalitâts dal art. 6.

Il sisteme electronic dai servizis online de ARDIS al certifiche la date e la ore precise de spezion de domande.

I tiermins di presentazion de domande online a son **perentoris**, duncje la compilazion in date seguitive **e compuarte la escluson de domande**.

	<b>Benefici</b>	<b>Tiermin par compilâ la domande online</b>	<b>Publicazion graduatorie provisorie (date indicative)</b>
<b>Lozament</b>	Agnis seguitîfs	il prin di Avost dal 2024	ai 9 di Avost dal 2024
	Matriculis	ai 27 di Avost dal 2024	ai 16 di Setembar dal 2024
	Students cun dome il requisît di iscrizion (dome sede di Glemone)	ai 6 di Setembar dal 2024	ai 24 di Setembar dal 2024
<b>Borse di studi</b>		ai 19 di Setembar dal 2024	ai 31 di Otubar dal 2024
<b>Contribût pal lozament integratîf</b> (sede dal ex Ospedâl Militâr)		Assegnazion di ufici	ai 3 di Març dal 2025
<b>Contribût pal lozament sostitutîf</b> (se no son lozaments disponibii)		ai 21 di Otubar dal 2024	ai 12 di Març dal 2025
<b>Contribût pal lozament sostitutîf</b> (sedis di Puart, Bolzan, Conean e Verone)		ai 21 di Otubar dal 2024	ai 27 di Fevrâr dal 2025
<b>Contribûts pe mobilitât internazionâl</b>		ai 7 di Avrîl dal 2025	ai 16 di Mai dal 2025
<b>Comunicazion dai dâts dal contrat a paiament par vê la prime rate de borse di studi tant che fûr di sede</b>		ai 21 di Otubar dal 2024	-
<b>Domande online di riduzion des tassis universitariis</b> (dome pe sede di Udin)		ai 7 di Otubar dal 2024	-

## **Articol 1 - Beneficis a concors**

La Agjenzie regionâl e met a concors chescj beneficis:

- Borsis di studi;
- Lozaments;
- Contribûts pal lozament integratîfs pe struture dal ex Ospedâl Militâr di Triest;
- Contribûts pal lozament sostitutîfs;
- Contribûts pal lozament sostitutîfs pes sedis di Puart, Bolzan, Conean e Verone;
- Contribûts pe mobilitât internazionâl;

## **Articol 2 - Destinataris dai beneficis**

A son destinataris dai beneficis:

– **i students de Universitât** dai Studis di Triest e de Universitât dal Friûl iscrits pal a.a. 2024/2025 a cors di:

- lauree trienâl,
- lauree magjistrâl,
- lauree magjistrâl a cicli unic,
- specializazion, fûr che chei de aree mediche ativâts su la fonde de normative in vore in materie,
- dottorât di ricercje, che no gjoldin de borse di studi su la fonde dal DM dai 30 di Avrîl dal 1999, n. 224;

– **i students dai Conservatoris** di Musiche “G. Tartini” di Triest e “J. Tomadini” di Udin iscrits pal a.a. 2024/2025 a:

- cors dal Trieni superiôr di I nivel,
- cors dal Bieni specialistic di II nivel;

– i students iscrits pal a.a. 2024/2025 al diplome academic di prin e di secont nivel in “Graphic Design pe imprese” e al diplome di prin nivel in “Piture” e “Architeture di internis e design” de **Academie di Bielis Arts** “G.B. Tiepolo” di Udin;

– **i students che a son daûr a laureâsi** iscrits al ultin an di cors regolâr intal a.a. 2023/2024 che a otegnin il titul di studi dentri des sessions dal stes an academic, dopo dai 18 di Setembar dal 2024.

**No puedin acedi ai beneficis** metûts in concors i students iscrits a cors singui, a percors par acedi ai concors pal insegnament, a cors di perfezionament, a cors di specializazion pe ativitât di supuart didatic ai students cun disabilitâts e a masters.

## **Articol 3 - Durade di amissibilitât ai beneficis**

I beneficis metûts a concurs a vegnin concedûts pal **otigniment pe prime volte dal titul par ognidun dai nivei di laurea**.

**La anzianitât universitarie e ven calcolade** tacant dal an di prime imatricolazion tal sisteme universitari cence tignî cont di cualsisedi passaç di cors, fûr che pai students cun disabilitât, definîts intal articol 5 di chest bant, che par lôr al è pussibil rinunziâ ai studis al massim par trê voltis.

**La anzianitât universitarie e ven anulade, par une sole volte**, tal câs di rinunzie irevocabile ai studis fate tal prin an, cence il ricognossiment di esams (credits universitaris) derivants de cariere precedente.

Tal câs che la imatricolazion e vegni rinovade par vie di une uniche rinunzie fate tal prin an, cence il ricognossiment di credits, il student al ven calcolât une altre volte tant che iscrit al prin an regolâr.

Tal câs di **trasferiment** di une altre Universitât, di domande di **ricognossiment dai credits** o di iscrizion cun **scurtadure de cariere**, la anzianitât universitarie e ven calcolade tacant dal an di prime imatricolazion te Universitât o intal Ent corrispondent di divignince.

Pal cont de anzianitât universitarie si sumin i agns di iscrizion ai masters se par chei al è stât domandât il ricognossiment di credits.

Tal câs di decjadence, dopo vê fat lis verifiche cul Ateneu competent, i agns di iscrizion efetive a vegnin contizâts istès tal calcul de anzianitât universitarie. La decjadence dopo un sôl an di iscrizion, cence ricognossiment di credits, no incît sul calcul de anzianitât universitarie.

## **Articol 4 - Recuisîts pe amission ai beneficis**

### **4.1 Recuisîts di iscrizion**

Si pues presentâ domande ancje se no si è ancjemò iscritti. La iscrizion aes Universitâts, ai Conservatoris e ae Academie, però, e à di jessi fate **dentri dai tiermins** previodûts des singulis Istituzions.

I students che a son iscritti intal stes moment a plui cors di laurea a àn di informâ la ARDIS dentri dai 30 di Març dal 2025, scrivint ae direzion [ardis@certregione.fvg.it](mailto:ardis@certregione.fvg.it). Inte email a varan di comunicâ i cors di laurea e, par ognidun, l'Ateneu, l'an di imatricolazion e il merit. La ARDIS e fasarà ducj i controis dal câs par garantî l'eventuâl aument dal 20% dal impuart de borse di studi.

Pai students che a domandin i beneficis pal **semestri seguitif (laureants)**, il requisît di iscrizion al è sodisfat se a son stâts iscritti regolarmente al ultin an di cors intal a.a. 2023/2024 e se a otegnin il titul dentri de session straordinaria dal stes an academic, o se si notin intal a.a. 2024/2025 al prin an fûr di cors, dentri dai tiermins previodûts di ogni istituzion.

I laureants no puedin otignê la borse di studi se:

- a otegnin il titul prin dai **18 di Setembar dal 2024**;
- a otegnin il titul di laurea intune session dal a.a. 2023/2024 e a van indevant cui studis pal a.a. 2024/2025 intun Ateneu, intun Conservatori o intune Istituzion fûr de region Friûl-Vignesie Julie (gjavant i Masters).

## **4.2. Recuisîts di merit**

Il merit al è calculât su la base dai credits formatîfs universitaris (CFU) registrâts in maniere regolâr, o ecivalentis.

**No si calculin pal merit e duncje no vegnin cjapâts in considerazion i credits:**

- **acuisîts prime de iscrizion al propri cors di studis.**

A fasin ecezion i câs di ricognossiment di credits leâts al trasferiment di un altri Ateneu, al passaç di cors di laurea o ae scurtadure de carriere, restant ferme la valutazion dai agns di iscrizion universitarie;

- **che a derivin di ats di cariere sostignûts par mendâ debits formatîfs di carieris precedentis;**

- **che a derivin di ats di cariere relatîfs a cors singui** che par chei nol sedi stât domandât il ricognossiment dai credits otignûts in chescj cors o, ancje se ricognossûts, che no sedin stâts declarâts pes finalitâts dal otigniment dai requisîts di merit inte domande online;

- **che a derivin di ats di cariere relatîfs a ativitâts didatichis sorennumerariis;**

- **che a derivin di modui di esams integrâts**, che no vegnin registrâts in maniere regolâr inte cariere sul sisteme Esse3 fin al completament dal esame integrât.

### **4.2.1 Students iscrits al prin an**

I students che **si notin pe prime volte al prin an** dai cors, tal moment de presentazion de domande online, no àn bisugne di nissune carateristiche di merit pal inseriment inte graduatorie dai diviers beneficis in cualitât di idonei e beneficiari.

## 4.2.2 Students iscritti a agns dopo dal prin

I students iscritti ai agns seguitîfs, par podê concori ae assegnazion dai beneficis, a àn za di vê **il requisît di merit** dentri dai **10 di Avost dal 2024**:

A.A. di prime imatricolazion	23/24	22/23	21/22	20/21	19/20	Semestri seguitîf
An di iscrizion tal a.a. 2024/2025	2 <sup>t</sup>	3 <sup>ç</sup>	4 <sup>t</sup>	5 <sup>t</sup>	6 <sup>t</sup>	
	Numar di credits complessîfs di vê, tacant dal an di prime imatricolazion					
Lauree trienâl Trieni superiôr di I nivel (Conservatori)	25 CFU	80 CFU	-	-	-	135 CFU
Lauree magjistrâl * Bieni specialistic di II nivel (Conservatori) *	30* CFU	-	-	-	-	80* CFU
Lauree magjistrâl a cicli unic	25 CFU	80 CFU	135 CFU	190 CFU	245 CFU	+55** CFU

\* I credits segnâts pe lauree magjistrâl e pal bieni specialistic di II nivel si intindin acuisîts dai students dome intal percors magjistrâl o specialistic.

\*\* Di sumâ al ultin an di cors.

Atenzion: tal câs di rinuziis/trasferiments/passaçs di cors cun ricognossiment di credits, la anzianitât universitarie e incît sul requisît di merit.

Pai cors di studi che la lôr organizazion e previodi **anualitâts cuntun numar di credits di podê otignî plui bas di 60**, come che al è stât comunicât dai ateneus di Triest e di Udin, i requisîts di merit standard a son ridefinidis in misure proporzionâl ai credits di podê in efjets otignî, che a vignaran indicâts in maniere oportune sul sît [www.ardis.fvg.it](http://www.ardis.fvg.it).

## 4.2.3. Bonus

In base al an di cors frequentât, i students **dopo dal prin** a cumulin un bonus in CFU che a puedin doprâ par **rivâ al requisît minim di merit**, in plui dai credits otignûts di fat.

Il bonus al va daûr di chescj criteris:

- **fin a 5 credits**, se doprât pe prime volte pai beneficis **pal secont an academic**;
- **fin a 12 credits**, se doprât pe prime volte pai beneficis **pal tierç an academic**;
- **fin a 15 credits**, se doprât pe prime volte pai beneficis **pai agns academics seguitîfs**.

Il bonus al ven **ativât**:

- a. di cui che al fâs domande, in **domanda online**;
- b. **di ufici** se i bonus a coventin par rivâ al requisit minim di merit.

La verifiche dai credits bonus efetîfs a disposizion e ven fate di ufici. I students a puedin verificâ l'ûs dal bonus online, jentrant te proprie aree risiervade dal "Sportel student", intes graduatoriis dai beneficis che a àn domandât.

**Il bonus al pues jessi ativât dome une volte e nol è cumulabil.** Il bonus in CFU si riferis a dute la cariere universitarie e no si anule ae fin dal singul cicli di studis. La cuote di bonus cumulade ma no doprade e reste a disposizion pai agns academics seguitîfs.

I students che si son zovâts dal bonus intai agns academics prin dal a.a. 2024/2025 a puedin doprâ dome la cuote no doprade dal stes. I credits bonus che a sedin stâts domandâts intai agns academics prime dal a.a. 2024/2025 no vegnin contâts par otignî il requisît minim di merit previodût di chest bant.

I students notâts a cors di lauree magjistrâl o al bieni specialistic a puedin doprâ dome il bonus cumulât e no doprât tal trieni precedent.

Tal câs che a sedin vanzâts ponts bonus, si puedin doprâ par rivâ al requisit di merit previodût pal semestri dopo.

I students a àn di declarâ l'ûs eventuâl di credits bonus in altris Universitâts in carieris precedentis. Dopo che a son stadis publicadis lis graduatoriis definitivis, la ARDIS e podarà fâ controis a campion par verificâ che lis informazions furnidis sul ûs di credits bonus in carieris precedentis a sedin veris.

**I credits bonus no puedin jessi doprâts par rivâ al requisît di merit dal prin an (sedi di lauree trienâl che di lauree magjistrâl).**

#### **4.3 Requisît di redit e di patrimoni**

I beneficis regolâts di chest bant a jentrin intes prestazions sociâls agjevoladis. Lis cundizions economicis dai students a son individuadis su la fonde dal **Indicadôr de Situazion Economiche Ecuivalente (ISEE) pes prestazions agjevoladis pal dirit al studi universitari**, in merit ai redits dal 2022 e ae situazion patrimoniâl dal 2022.

Intal specific:

– l'Indicadôr de Situazion Economiche Ecuivalente (ISEE) **pes prestazions agjevoladis pal dirit al studi universitari** nol à di passâ il limit di **€ 27.726,79**;

– l'Indicadôr de Situazion Patrimoniâl Ecuivalente (ISPE = ISP/scjale di ecuivalence) nol à di passâ il limit di **€ 60.275,66**.

Si àn di vê **chestis dôs cundizions intal stes timp**.

I students:

a) comunitaris e no comunitaris, **residents in Italie**, cuntun nucli familiâr resident in Italie che al vedi prodot redits e che al vedi patrimoni in Italie e/o tal forest, a àn di lâ **intun cualsisei CAF** par presentâ i documents che a coventin par otignî la atestazion ISEE pes prestazions agjevoladis pal dirit al studi universitari relative al redit dal 2022 e ae situazion patrimoniâl dal 2022, e compilâ la relative DSU (Declarazion sostitutive uniche);

b) comunitaris e no comunitaris, **residents in Italie**, cuntun nucli familiâr resident tal forest e/o cun redits e patrimoni produsûts o possedûts tal forest, a àn dut câs di declarâ i eventuâi redits e

patrimoni possedûts dal propri nucli familiâr in Italie, daûr des modalitâts previodudis di chest bant. Par chest, a àn di lâ **intun cualsisedi CAF** par presentâ i documents che a coventin par otignî la atestazion ISEE pes prestazions agjevoladis pal dirit al studi universitari relative ai redits dal 2022 e ae situazion patrimoniâl dal 2022, che e atesti redits e patrimoni in Italie, e po dopo lâ li di un CAF convenzionât pe emission dal ISEE universitari parificât (Schede dâts par Indicadôr parificât universitari). La emission de documentazion e je gratuite. I oraris e lis direzions dai CAF convenzionâts a son publicâts sul sît [www.ardis.fvg.it](http://www.ardis.fvg.it);

c) comunitaris e no comunitaris, **no residents in Italie**, cuntun nucli familiâr che al è a stâ tal forest, a àn di indreçâsi **dome ai CAF convenzionâts** pe emission dal ISEE universitari parificât (Schede dâts par Indicadôr parificât universitari). La emission de documentazion e je gratuite. Lis direzions dai CAF convenzionâts a son publicadis sul sît [www.ardis.fvg.it](http://www.ardis.fvg.it);

d) **ricognossûts tant che rifugjâts politics** in Italie, a àn di zontâ la certificazion furnide dal Ministeri dai Internis; i **students apolits** a àn di zontâ la copie autenticade de documentazion dade dal Tribunâl Civîl. Par chestis categoriis di students si ten cont dome dai redits percepîts in Italie e dal patrimoni che in câs a vedin in Italie;

e) **che a vegnin dai Paîs daûr a svilupâsi**, su la fonde dal DM dai 13 di Fevrâr dal 2024 n. 440 “Definizion de liste dai Paîs une vore puars pal a.a. 2024/2025” e elencâts inte zonte 2, a àn di presentâ la **valutazion de cundizion economiche**, fate su la base di une certificazion de Rapresentance dal Stât talian intal Paîs di divignince, che e atesti **che il student nol è di une famee ricognossude di redit alt e di un nivel sociâl alt**.

Pai students che si notin tal prin an, cheste certificazion e pues jessi furnide di ents talians abilitâts ae prestazion di garanzie di cuviertidure economiche, daûr des disposizions in materie di imatricolazion dai students forescj intes universitâts talianis. In chest câs, l'ent di garanzie si impegne – tal câs di revoche - ae eventuâl restituzion de borse par cont dal student.

I students a àn di meti inte domande **online il numar di protocol INPS de atestazion ISEE pes prestazions agjevoladis pal dirit al studi universitari** a lôr riferide; su la base di chest numar, ARDIS e gjave fûr in maniere automatizade de bancje dâts INPS i dâts relatîfs ae atestazion ISEE

I students specificâts tes letaris precedentis **b), c) e e)** a àn di declarâ inte domande online di vê otignût l'ISEE universitari parificât dentri dai tiermins pe compilazion de domande online par ogni benefici. I CAF convenzionâts a mandaran ae ARDiS i riscuintris informatics. I students interessâts no àn di inserî nissun numar di protocol inte domande online.

Pe domande dai beneficiis di chest bant **e je valide dome la atestazion ISEE pes prestazions agjevoladis pal dirit al studi universitari riferide al student che al fâs domande. No je valide la atestazion cun ISEE ordenari, anje se riferide al student che al fâs domande.**

I students che a àn un **ISEE corint** invezit che un ISEE pes prestazions agjevoladis pal dirit al studi universitari, a àn di segnalâlu dome ae direzion [info.trieste@ardis.fvg.it](mailto:info.trieste@ardis.fvg.it) e [info.udine@ardis.fvg.it](mailto:info.udine@ardis.fvg.it) dentri dai tiermins previodûts pe presentazion de domande online par ogni benefici.

L'ISEE corint **al à validitât di sîs mês**, duncje la atestazion e varà di risultâ ancjemò valide te date di presentazion de domande par ogni benefici.

#### **4.3.1. Cundizion dai students independents de famee di origjin**

I students a son calculâts independents de famee di divignince se a àn ducj i doi chescj recuisîts:

- **residence**, che e risulte de evidence anagrafiche, fûr de unitât abitative de famee di divignince, fissade di almancul **doi agns** de date di prime presentazion de domande di iscrizion a ogni cors di studis intun lozament che nol sedi di proprietât di un component dal nucli familiâr di origjin;
- **presince di une capacitât di redit adeguate**, constituide di redits di lavôr dependent o assimilâts declarâts al fisc di almancul doi agns par no mancul di **€ 9.000,00** anuâi, cun riferiment a un nucli familiâr di une persone.

In chest câs, i students a puedin presentâ un ISEE pes prestazions agjevoladis pal dirit al studi universitari considerant se stes tant che un nucli.

Pe cuantificazion dal impuart de borse di studi, par chescj students al ven ricognossût il stes tratament dai students cul status di **fûr di sede**.

### **Articol 6 - Modalitâts di presentazion de domande**

Par compilâ la domande online i students **a àn di identificâsi cul SPID**, sisteme public di identitât digjitâl (viôt [www.spid.gov.it](http://www.spid.gov.it)), cu la CIE (cjarte di identitât eletroniche), o cun eIDAS dome pai students comunitaris.

**I students che no son comunitaris**, che a àn dome un document di identitât dât fûr des autoritâts dal lôr Paîs, e che no son residents in Italie, e i students minôrs (talians e forescj) a àn di identificâsi cun chestis modalitâts:

- **pe sede di Triest**, cun **registrazion online sul sît Esse3** pai students che si iscrivin te Universitât di Triest (lis credenziâls a son ativis drenti di 24 oris de registrazion, se no i students a àn di contatâ la sede ARDiS di Triest)
- sul sît [www.ardis.fvg.it](http://www.ardis.fvg.it) pai students che si iscrivin al Conservatori;
- **pe sede di Udin**, cun **registrazion online sul sît [www.ardisfvg.it](http://www.ardisfvg.it)** (se no son ancjemò imatricolâts te Universitât o se a son iscritti al Conservatori, o ae Academie) o doprant **lis credenziâls (matricule e password) furnidis de Universitât dal Friûl**, se a son za imatricolâts in chest Ateneu.

**La domande online e je uniche:** i students che a vuelin domandâ plui beneficis a àn di **compilâ la domande dome une volte, selezionant i beneficis che ur interessin**.

La domande online riferide a plui beneficis e à di jessi presentade dentri de scjadince dal prin tiermin previodût pai beneficis domandâts.

**La ciertece e la coretece de spedizion de domande online si à dome cuant che si ricêf il messaç di pueste eletroniche automatiche di conferme, che al ven gjenerât in maniere automatiche dal sisteme.** Te mail il student al cjararà lis informazions su la disponibilitât de sintesi de domande online inte sô aree personâl "Sportel student". **Il student al à di verificâ i dâts de sintesi e di sigurâsi di vê domandât i beneficis che i interessin.**

Si puedin domandâ retifichis di dâts inserîts vie messaç di pueste eletroniche ae direzion [info.trieste@ardis.fvg.it](mailto:info.trieste@ardis.fvg.it) o [info.udine@ardis.fvg.it](mailto:info.udine@ardis.fvg.it) dentri dal tiermin di presentazion de domande online in relazion ai beneficis domandâts.

I students che no àn ancjemò completât la imatricolazion te Universitât, tal Conservatori o te Academie a puedin presentâ la **domande online cun riserve di iscrizion**, dentri des scjadincis segnadis in chest bant. In dut câs, si à di notâsi dentri dai tiermins previodûts dal art. 4.1.

### **6.3 Students no comunitaris - altre documentazion**

La ARDIS e verifiche tes basis di dâts des istituzions universitariis di riferiment che i students ur vedin presentât la **copie dal permès di permanence o pûr la copie de ricevude postâl che e certifiche la domande** di emission o di rinovazion dal permès stes.

Altre documentazion di cjariâ online (upload) inte sezion "carica documenti" dal "Sportel student":

- **la certificazion furnide dal Ministeri dai Internis** se a son students ricognossûts tant che **rifugjâts politics** in Italie;
- **la copie autenticade de documentazion dade fûr dal Tribunâl Civîl** pai **students apolits**;
- **la certificazion de Rapresentance dal Stât talian intal Paîs di divignince** che e certifichi che il student nol fâs part di une famee ricognossude di redit alt e di nivel sociâl alt, pai **students citadins di Paîs daûr a svilupâsi** (v. liste de Zonte 2).

## **Articol 8 – Pubblicazion des graduatoriis**

I students a puedin verificâ il risultât des graduatoriis doprant i servizis online dal sît ARDIS, midiant de funzion "**Sportel student**".

## **Articol 11 - Decjadence e escluson dai beneficis**

La decjadence dai beneficis e je previodude pai students che **no** ur è stât dât fûr il benefici in bêçs o in servizis:

- iscritti pe prime volte al prin an dai cors di laurea trienâl, di laurea magjistrâl, di laurea magjistrâl a cicli unic, dai Conservatoris e de Academie, che dentri dai 30 di Novembar dal 2025 no vedin otignût almancul 20 credits (o almancul 9 credits se students cun disabilitâts, su la fonde dal art. 5) che no vedin ricevût la prime rate;
- iscritti pe prime volte al prin an di cors cun esams dome anuâi, che dentri dai 30 di Novembar dal 2025 no vedin otignût almancul 10 credits che no vedin ricevût la prime rate;
- che a risultin vê une anzianitât universitarie che e va di là dal timp di amissibilitât ai beneficis;
- che a vedin un titul di studi dal stes nivel o superiôr, ancje se otignût tal forest;
- che si trasferissin intune altre sede universitarie o che a rinunziin ai studis pal a.a. 2024/2025 prime dal prin di Lui dal 2025;
- che a declarin o che a vedin declarât il fals intai agns passâts;
- che no si sedin iscritti al an academic di riferiment dentri dai tiermins previodûts des Universitâts, dai Conservatoris e de Academie;
- iscritti a cors di specializazion, fûr che chei de aree mediche ativâts su la fonde de normative in vore su la materie, par un timp superiôr ae durade previodude dai ordenaments didatics tacant dal an di prime iscrizione;
- iscritti a cors di dottorât di ricercje, che no beneficiin de borse di studi su la fonde dal DM dai 30 di Avrîl dal 1999, n. 224, par un timp superiôr ae durade previodude dai ordenaments didatics rispetîfs, tacant dal an di prime iscrizione;

Cun di plui, a son escludûts dai beneficis i students che no vedin sierade la pratiche online pe domande dai beneficis in dutis lis sôs modalitâts e proceduris, dentri des scjadincis previodudis.

Dome pal benefici de borse di studi, a son escludûts i students che a sedin beneficiaris di altris borsis di studi di impuart plui alt di € 1.500,00 (v. art. 24 di chest bant).

Par no lâ in decjadence, i students che si cjatin intun o plui dai câs indicâts, a àn di dâ comunicazion imediade ae ARDIS par email, scrivint ae direzion [ardis@certregione.fvg.it](mailto:ardis@certregione.fvg.it), comunicant la rinunzie al benefici assegnât, e no dât fûr.

La ARDIS, in ogni câs, e procederà a escludi dai beneficis chei che a fasin domande che si cjatin intun o plui dai câs segnâts ca parsore, su la base des informazions che e vignarà a cognossince.

BORSE DI STUDI

Scjadince ai 19 di Setembar dal 2024  
aes 13:00 (ore estive taliane/GMT+  
2/UTC+2/CEST)

## **Articol 15 – Tiermins e modalitâts di presentazion de domande**

I students che a vuelin domandâ la borse di studi a àn di compilâ la domande online e spedîle dentri des 13.00 (ore estive taliane/GMT+2/UTC+2/CEST) dai 19 di Setembar dal 2024 lant daûr des modalitâts dal articol 6 di chest bant.

## **Articol 16 - Status dai students: in sede, pendolâr e fûr di sede**

Il Comun di residence dai students e la distance de sede dal cors di studis a contribuissin a definî il status dai students beneficiaris, par calculâ l'impuart des borsis di studi, daûr di chestis modalitâts:

### **16.1 Students comunitaris**

Pai students comunitaris il status dai students in sede, pendolârs o fûr di sede, pes finalitâts di chest concors, e je definide inte zonte 1. Par risultâ beneficiaris de borse di studi tant che fûr di sede, i students a àn in ogni câs di rispjetâ ce che al è previodût dal **articol 16.3**.

### **16.2 Students no comunitaris**

I students no comunitaris a son considerâts tant che fûr di sede **in maniere indipendente de lôr residence in Italie**. A fasin ecezion i students cuntun nucli familiâr che al sedi a stâ in Italie, o i students forescj che a costituissin in Italie un nucli familiâr autonom e diviers di chel di origjin: in chescj câs si cjape in considerazion la residence in Italie. I students no comunitaris, a ogni mût, par jessi ricognossûts tant che students fûr di sede, a àn di lâ daûr di ce che al previôt l'articol 16.3.

**Tal câs che no presentin il contrat di locazion e che a vedin il nucli familiâr resident tal forest a vegnin calculâts tant che pendolârs.**

### **16.3 Status di fûr di sede**

A son definîts “fûr di sede” i students residents intai comuns calculâts fûr di sede inte zonte 1 se:

- a. a declarin online dentri de scjadince di cjapâ lozament (cun contrat di locazion o altri in lozaments di privâts o di ents) dongje de sede universitarie (o ben intai comuns calculâts in sede in relacion ae sede didatiche dal cors) par no mancul di 10 mê s contâts intal periodi cjapât dentri tra il prin di Setembar dal 2024 e i 30 di Setembar dal 2025 e lu mantegnin par l’interval di timp minim.
- b. a doprin, a titul onerôs, lis structuris residenziâls de ARDIS par no mancul di 10 mê s.

Il status dal student ricognossût tant che fûr di sede al ven rideterminât se il stes al iscrîf la residence anagrafiche intun Comun segnât come in sede (zonte 1) a pet de sede dal cors; cheste prevision no si apliche al student indipendent e al student no comunitari cul nucli familiâr resident tal forest.

Ai students “independents” definîts tal art. 4.3.1, ur ven ricognossût il stes tratament aplicât ai students cul status di fûr di sede.

**Il limit di 10 mê s al è ridusût a 6 mê s** pai students laureants dal ultin an di cors cu la qualifiche di regolâr, che a vuelin sostignî l’esam gjenerâl di lauree dentri dal ultin apel previodût pal a.a. 2023/2024 e pai students notâts al semestri seguitîf a pet de durade previodude dai ordenaments didatics corispondents.

La declarazion online pal ricognossiment dal status di fûr sede e pues jessi fate:

- **te domande online**, dentri dal tiermin di scjadince pai singui beneficis;
- inte sezion online dedicate “**dâts dal contrat di locazion**”, **dentri dai 21 di Otubar dal 2024 aes 13.00** par risultâ beneficiaris fûr di sede inte graduatorie definitive.

**La sezion “dâts dal contrat di locazion” si podarà compilâ in maniere indicative dal prin di Setembar dal 2024.** No àn di presentâ la declarazion sul lozament a paiament i students **assegnataris di lozament** tes structuris metudis a disposizion de ARDIS pal a.a. 2024/2025, che a àn cjapât possès in maniere regolâr dal lozament.

## **Articul 17 - Impuarts**

L’impuart des borsis di studi al è stât inzornât cul Decret Diretoriâl dal Ministeri de Universitât e de Ricerche n. 317 dai 14 di Març dal 2024 e culi sot si ripuartin i impuarts massims des borsis di studi:

- **€ 7.015,97** pai students **fûr di sede** e pai students **independents**;
- **€ 4.100,05** pai students **pendolârs**;

- € 2.827,64 pai students **in sede**.

Cun di plui, a son previodudis chestis casistichis:

1. Pai students piû svantazâts dal pont di viste economic definîts tant che students cun indicadôr ISEE plui bas o compagn de metât (€ 13.863,39) dal limit massim di riferiment (€ 27.726,79) l'impuart de borse di studi al è inressût dal 15%.
2. Pes studentis iscritis ai cors di studi in materiis S.T.E.M., l'impuart de borse di studi al è inressût dal 20%. Chest impuart no si pues cumulâ cu la inressite dal 15% previodude pai students cun nivei ISEE plui bas o compagn dal 50% dal limit massim di riferiment e, duncje, la inressite e je calcolade su la fonde dal valôr de borse che i spiete ae studente.
3. Il DM 1320/2021 al previôt che al student iscrit intal stes moment a plui cors di studi i è consintût di otignî e mantignî la borse di studi, inressude dal 20%, se al è in possès e se al manten lis carateristichis di merit previodudis di chest bant par ducj i doi i cors di studi e par dut il timp che chei a durin. La inressite dal 20% no je dovude intal câs che il student al pierdi lis carateristichis pe borse di studi cun riferiment al cors di studi che a chel il student al à corelât chê inressite.

Ai students laureants (semestri seguitîf) e ai students iscrits al prin an fûr di cors e ven corispuindude la borse di studi di impuart smiezât.

Tal câs che l'ISEE pes prestazions agevoladis pal dirit al studi universitari riferît al student al sedi plui alt dai 2/3 (o ben € 18.484,52) e fin al impuart massim dal limit ISEE pes prestazions agevoladis pal dirit al studi universitari, l'impuart de borse di studi al ven ridusût in maniere graduâl fin ae metât dal impuart massim de borse di studi.

Par ducj i students beneficiaris di borse di studi cu la cualifiche di fûr di sede che a sedin ancje assegnataris dal lozament, l'impuart de borse di studi al è ridusût di:

- € 2.000,00 pal ûs dal lozament par 10 mê;

- € 2.200,00 pal ûs dal lozament par 11 mê.

Pai students assegnataris dal lozament che si laurein dentri di Dicembar dal 2024, al ven detrat l'impuart **forfetari di € 700,00** pal servizi abitatîf.

Pai students assegnataris dal lozament che si laurein tacant di Zenâr dal 2025 e dentri di Avrîl dal 2025 al ven detrat l'impuart **forfetari di € 1.400,00** pal servizi abitatîf.

La borse di studi e je francje de Impueste sui redits, tant che previodût dal articul 4 de Leç dai 13 di Avost dal 1984, n. 476 "Norme in materie di borsis di studi e dottorât di ricercje intes Universitâts".

## **Articul 20 - Risiervis di assegnazion**

Lis risorsis disponibilis pes borsis di studi si assegnin lant daûr di chestis risiervis di assegnazion:

- 2% ai students cun disabilitâts, daûr dal articul 5;

- 6% des borsis di studi disponibilis pai students no comunitaris.

## **Articol 23 - Paiament**

La borse di studi e ven erogade **cun increditament** suntun cont corint talian (IBAN IT) o suntun propri cont forest (CODIÇ IDENTIFICATÎF DAL CONT) intestât o cointestât al student, o cun cjarte prepaide che e vedi un IBAN IT intestade o cointestade al student.

I students a àn di inserî lis **coordenadis bancjariis** tal moment de compilazion de domande online e a podaran dopo integrâlis o cambiâlis midiant dai servizis online de ARDIS. Se si à un cont forest, si à di inserî, di là dal codiç identificatîf dal cont, ancje il codiç BIC/SWIFT, la denominazion dal istitût bancjari e ancje il Stât di chê stesse. I coscj e lis cjamis bancjariis che a derivin dal increditament su conts forescj a saran contizâts al student te lôr totalitât.

### **23.1 Students iscrits al prin an dai cors di lauree trienâi, magjistrâi e magjistrâi a cicli unic**

Tacant dal a.a. 2024/2025, la cuote monetarie de borse di studi e ven dade fûr, inte misure dovude, daûr di chestis modalitâts, distintis par ogni percors academic:

1) Pai **students iscrits al PRIN AN DAI CORS DI LAUREE O DIPLOMIS DI PRIN NIVEL E DI LAUREE MAGJISTRÂL A CICLI UNIC:**

- **prime rate dal 50% dal impuart net de borse dentri dai 31 di Dicembar dal 2024**, a cundizion che la iscrizion e risultis perfezionade dentri dal tiermin fissât pe presentazion des istancis di riesam pe borse di studi;

- **seconde rate dal restant 50% dal impuart net de borse, corispuindude une volte otignûts almancul 20 credits, registrâts in maniere regolâr** tal sisteme Esse3, o intes basis di dâts dai Conservatoris e de Academie (**o ben almancul 10 credits pai cors cun esams dome anuâi**) cun **date di superament no dopo dai 10 di Avost dal 2025.**

**L'otigniment dai credits al vignarà verificât di ufici ai 30 di Avrîl dal 2025 e ai 10 di Avost dal 2025.**

2) Pai students iscrits al **PRIN AN DAI CORS DI LAUREE MAGJISTRÂL O DIPLOME DI SECONT NIVEL:**

- **prime rate dal 50% dal impuart net de borse dentri dai 31 di Dicembar dal 2024**, in funzion de amission ai cors daûr des modalitâts previodudis dai ordenaments didactics e dal ricognossiment di almancul 150 CFU (CFA);

- **seconde rate dal restant 50 % dal impuart net de borse di studi, corispuindude tacant dal mès di Jugn**, une volte otignûts almancul 20 credits, registrâts in maniere regolâr tal sisteme Esse3, o intes basis di dâts dai Conservatoris e de Academie (o ben almancul 10 credits pai cors cun esams dome anuâi) cun date di superament no dopo dai 10 di Avost dal 2025.

**L'otigniment dai credits al vignarà verificât di ufici ai 30 di Avrîl dal 2025 e ai 10 di Avost dal 2025.**

I students che a saran rivâts al requisît di merit, cun registrazion dai credits che a coventin, **dopo dai 10 di Avost ma dentri dai 30 di Novembar dal 2025**, a saran sometûts a controis di ufici cu la Universitât, i Conservatoris e la Academie pe conservazion dal impuart cjapât tant che borse di studi (borse di studi di impuart smiezât).

**Se no si otegnin i credits previodûts dentri dai 30 di Novembar dal 2025, e sarà la revoche de borse di studi e di chei altris beneficis in bêçs za erogâts (art. 25) e si varà di tornâ ce che al è stât gjoldût in servizis.**

### **23.2 Students iscritti a agns dopo dal prin**

La cuote monetarie de borse di studi e je erogade in cheste maniere:

- **prime rate che e corispuint al 50%** dal impuart net de borse: **dentri dai 31 di Dicembar dal 2024**, baste che la iscrizion e sedi perfezionade dentri dal tiermin fissât pe presentazion des istancis di riesam pe borse di studi e che al sedi l'IBAN;
- **seconde rate che e corispuint al paiament** dal impuart net de borse di studi **dentri dai 30 di Jugn dal 2025**, dopo vè verificât di ufici la permanence dai requisîts pai **students iscritti a agns dopo dal prin**.

#### **23.2.1 Students laureants**

Ai beneficiaris dal ultin an di cors, cu la cualifiche di regolâr, che inte domande online a àn declarât che a vuelin sostignî l'esam gjenerâl di laurea dentri dal ultin apel previodût pal a.a. 2023/2024, **la borse di studi e ven erogade intune uniche soluzion dentri dal Jugn dal 2025, dome dopo verificât che al è stât otignût il titul.**

Pai students assegnataris dal lozament che si laurein dentri dal Dicembar dal 2024, l'impuart **forfetari** pal servizi abitatîf, cuantificât in **€ 700,00**, al ven stratignût dal impuart de borse di studi.

Pai students assegnataris dal lozament che si laurein tacant dal Zenâr dal 2025 e dentri dal Avrîl dal 2025, l'impuart **forfetari** pal servizi abitatîf, cuantificât in **€ 1.400,00**, al ven stratignût dal impuart de borse di studi.

## **Articol 25 - Revoche**

La borse di studi e je revocade ai students che ur sedi stât erogât il benefici in bêçs o in servizis, che si cjatin intune di chestis casistichis:

- iscritti pe prime volte al prin an dai cors se dentri dai 30 di Novembar dal 2025 no vedin otignût almancul 20 credits (o almancul 9 credits se students cun disabilitâts su la fonde dal art. 5);
- iscritti pe prime volte al prin an di cors cun esams dome anuâi che dentri dai 30 di Novembar dal 2025 no vedin otignût almancul 10 credits;
- tal câs che a mancjin i requisîts di iscrizion, merit, anzianitât universitarie, redit e patrimoni, dopo di controis di ufici o di segnalazions rivadis de Universitât o di altris Aministrazions Publichis;
- che a vedin declarât il fals o presentât documents fals o che a contegnin dâts fals;
- tal câs che a vedin otignût il ricognossiment de dople iscrizion dal articul 16, pont 3, la borse di studi e la eventuâl incesitate a son revocâts intal câs che il student al pierdi lis carateristichis di chest bant, cun riferiment al cors di studi che e fâs riferiment la domande de borse di studi;
- che a risultin vê une anzianitât universitarie plui grande dal periodi di amissibilitât ai beneficis;
- che a vedin un titul di studi di nivel compagn o superiôr, anje se otignût tal forest;
- che si trasferissin a une altre sede universitarie o che a rinunziin ai studis pal a.a. 2024/2025 prime dal prin di Lui dal 2025.

## **25.1 Procediment di revoche**

La ARDIS e comunicarà l'inviamet dal procediment di revoche de borse di studi ai students che si cjataran in cualchidune des pozizions ripuartadis parsore. Dentri di 10 dîs de comunicazion, i students a podaran fâ rivâ ae ARDIS, ae direzion [ardis@certregione.fvg.it](mailto:ardis@certregione.fvg.it) o cun racomandade A/R di indreçâ a cheste Aministrazion, eventuâls cuintrideduzions. Passât dibant chest tiermin, la ARDIS e mandarà al interessât il proviodiment di revoche, domandant la restituzion de sume cjapade, dentri di 30 dîs dal riceviment de comunicazion.

Il student al pues tal câs domandâ la restituzion rateizade dal impuart dovût, daûr des modalitâts fissadis dal articul 38 bis de LR 21/2014.

Intal câs che la restituzion no sedi fate intai tiermins, la ARDIS e recuperarà i credits daûr des modalitâts definidis de normative statâl in vore in materie di riscossion des impuestis diretis, tant che previodût dal art. 50 de LR 7/2000.

La revoche e compuarte:

- il recupar des sumis cjapadis in maniere illegitime cu la aplicazion des sanzions dal art. 10 tal câs di declarazions falsis.
- il paiament dal cost dal servizi di lozament gjoldût in maniere illegitime.

Se la revoche de borse di studi e je stade determinade de **mancjance dai requisîts** dopo dai controis fats de ARDIS e/o midiant di segnalazions rivadis des Universitâts o di altris Aministrazions Publichis o se i


students a àn declarât il fals o a àn presentât documents cun dâts fals, il servizi di lozament al ven calculât daûr de tarife tal art. 38.3 pal periodi di assegnazion.

I students dal prin an, assegnataris dal lozament, che ur ven revocade la borse di studi pal **mancjât otigniment dal recuisît di merit**, a àn di paiâ, pal timp di permanence inte Cjase dal Student, lis retis previodudis dal art. 36 pai students assegnataris che no gjoldin di une borse di studi.

Pai students che si trasferissin intune altre sede universitarie o che a rinunziin ai studis pal a.a. 2024/2025 prime dal 1<sup>n</sup> di Lui dal 2025, il servizi di lozament al ven calculât cu la tarife indicade tal art. 36 pal periodi di assegnazion.

#### ATENZION

Tal câs di revoche de borse di studi, i students a varan no dome di rimborsâ l'impuart za dât fûr, ancje in forme di servizi abitatîf, ma ancje la tasse regionâl pal dirit al studi universitari e paiâ par intîr l'impuart che al corispuint aes tassis e ai contribûts universitaris, tornant la eventuâl sume vude de Universitât o de ARDIS tant che rimbors.



## **Articol 27 - Lozaments a concors**

### **27.1 LOZAMENTS PE SEDE DI TRIEST**

I lozaments disponibii **a son 552**, dividûts in cheste maniere:

- **501 puescj** intes Cjasis dal Student di Triest  
(**73** intal edifici E1, **211** intal edifici E3, 30 di chei a son minilozaments, **97** intal edifici di vie Gaspare Gozzi, **120** tal ex Ospedâl Militâr);
- **46 puescj** inte Cjase dal Student di Gurize (Palaç De Bassa);
- **5 puescj** inte Cjase dal Student di Pordenon.

#### **27.1.5 Triest – Ex Ospedâl Militâr**

Dai puescj indicâts sore, 18 a son destinâts in maniere prioritare a students cun disabilitâts daûr dal art. 5.

Chescj puescj a son assegnâts cence tignî cont dal Comun di residence. In dut câs, a vegnin lassâts fûr chei che a son residents intal Comun di Triest.

I students che ur è stât assegnât il lozament tal ex Ospedâl Militâr a stipulin un contrat specific di ospitalitât cul gjestôr de struture.

**In maniere indicative, dal mêis di Setembar dal 2024 a tacaran i lavôrs par realizâ l'implant di rinfrescjament tal edifici E3: dome pal timp che al covente, i students assegnataris dai lozaments interessâts a vignaran trasferîts, a grups, in maniere provisorie tal edifici E4.**

**Vie pal an academic, tal edifici E3 si fasaran anje lavôrs par realizâ il capot termic. Chestis ativitâts a duraran in maniere indicative no mancul di 6 mêis.**

### **27.2 LOZAMENTS PE SEDE DI UDIN**

I lozaments disponibii **a son 348**, dividûts in cheste maniere:

- **99 puescj** inte Cjase dal Student di Udin, Pôl scientific dai Riçs;
- **88 puescj** inte Cjase Burghart
- **40 puescj** te Cjase dal Student di Gurize (Palaç De Bassa);
- **53 puescj** te Cjase dal Student di Pordenon;
- **68 puescj** te Cjase dal Student di Glemone.

## **Articol 28 - Recuisîts specifics**

In plui dai recuisîts di iscrizion, merit, redit e patrimoni fissâts intes normis gjenerâls, i students che a vuelin domandâ di lozâ tes Cjasis dal Student de ARDIS **a àn di jessi a stâ intun dai comuns considerâts tant che fûr di sede in relacion ae sede dal propri cors di studis**, daûr di ce che al è fissât intal articol 16 di chest bant e inte zonte 1.

### **31.1 Students iscritti a agns dopo dal prin**

La graduatorie provisorie dai lozaments pai students iscritti a agns dopo dal prin e sarà publicade tal sît [www.ardis.fvg.it](http://www.ardis.fvg.it) **in maniere indicative dentri dai 9 di Avost dal 2024**.

A vignaran prontadis, par ogni sede universitarie e in ordin decressint di ponts, chestis graduatoriis:

- pai students iscritti ai agns dopo dal prin di dutis lis areis/pôis didactics competents, cjapâts dentri i students iscritti al Conservatori e ae Academie di Bielis Arts (pe sede di Udin);
- pai students iscritti ai cors di specializazion, gjavant chei de aree mediche dal decret legislatîf n. 368/1999;
- pai students iscritti ai cors di dottorât che no beneficiin de borse di studi su la fonde dal DM dai 30 di Avrîl dal 1999, n. 224;
- pai students cun disabilitâts daûr dal art. 5.

**I students che a presentin domande tant che iscritti a agns dopo dal prin pal semestri seguitîf, tal câs che a otegnin il titul dentri de session straordinaria dal a.a. 2023/2024 e che po si notin al prin an de laurea magjistrâl pal a.a. 2024/2025, dentri dai tiermins fissâts de Universitât e dal Conservatori, a otignaran in ogni câs il puest di lozament dome fin al otigniment dal titul trienâl.** Par pussibilis istancis di riesam, si à di fâ riferiment al art. 9 di chest bant.

### **31.2 Students iscritti al prin an**

La graduatorie provisorie dai lozaments pai students iscritti al prin an di ducj i cors e sarà publicade tal sît [www.ardis.fvg.it](http://www.ardis.fvg.it) **in maniere indicative dentri dai 16 di Setembar dal 2024**.

A vignaran prontadis par ogni sede universitarie, in ordin decressint di ponts, chestis graduatoriis:

- pai students comunitaris iscritti pe prime volte al prin an di cors;
- pai students no comunitaris iscritti pe prime volte al prin an di cors;
- pai students cun disabilitâts iscritti pe prime volte al prin an di cors.

Par pussibilis istancis di riesam, si à di fâ riferiment al art. 9 di chest bant.

**I students che a fasin domande tant che matriculis magjistrâls, tal câs che no otegnin il titul trienâl dentri de session straordinaria dal a.a. 2023/2024, se no àn i recuisîts previodûts pal a.a. 2023/2024 pal semestri seguitîf, a subissin la revoche daûr dal art. 37.**

## **Articol 32 - Amissions**

Il calendari des amissions al previôt une serie di zornadis dulà che i students a saran convocâts de ARDIS intes Residencis là che ur è stât assegnât il puest. Cuant che e ven publicade la graduatorie definitive, al student i rivaran dutis lis informazions che a coventin. Par consultâlis, al varà di jentrâ te sô aree risiervade clamade “Sportel student” e po controlâ la sezion “Esit graduatoriis”, li che al cjararà la zornade e la ore dal so apontament te Cjase dal Student di assegnazion. Eventuâls variaziions di datis, leadis a motîfs organizatîfs, a vignaran publicadis par timp tal sît [www.ardis.fvg.it](http://www.ardis.fvg.it) e ancje inte aree risiervade dal student, clamade “Sportel student”.

I students **beneficiaris in graduatorie** a varan di presentâsi te zornade di amission che ur è stade comunicade te lôr aree risiervade, clamade “Sportel student”, puartant cun se cheste documentazion:

1. la fotocopia di un **document di ricognossiment valit che si puedi lei ben** (acomagnade dal document in originâl). Il student **no comunitari al varà di presentâsi cul passepart o cuntun altri** document di identitât ricognossût;
2. **une atestazion di paiament de cauzion, daûr dal art. 35;**
3. **une foto tessare.**

I students assegnataris di un lozament tal Ex Ospedâl Militâr a varan di presentâ ancje la atestazion di paiament de prime mensilitât. I students assegnataris di un lozament tal Ex Ospedâl Militâr a àn di rispietâ ce che al fisse il contrat di ospitalitât stipulât cul gjestôr de struture.

### **La mancjade presentazion dai documents dai ponts 1. e 2. no permet di acedi al lozament.**

Tal moment de amission, il student al firme l'at di acetazion dal lozament furnît de ARDIS, li che al declare di vê let il “Regolament pal ûs dal servizi abitatîf tes cjasis dal student”, disponibil tal sît [www.ardis.fvg.it](http://www.ardis.fvg.it), e di impegnâsi a rispietâ in maniere scrupolose dutis lis sôs normis.

Il student in mobilitât *outgoing* te date di convocazion al varà di compilâ la sezion di pueste tal modul di amission posticipade. In chel câs, il lozament al restarà risiervât fin ae fin de mobilitât.

**ATENZION** Si precise che la mancjade presentazion inte zornade de assegnazion, cence justificazion dentry de stesse di, o ben la mancjade presentazion dal modul di amission posticipade dentry de date di assegnazion, e compuarte la decjadence automatiche e irrevocabile dal benefici.

**La mancjade acetazion dal puest assegnât di ufici de ARDIS al compuarte la rinunzie al benefici pal an academic di riferiment.**

I students assegnataris di un lozament pal **a.a. 2024/2025, tal câs di assegnazion cul modul di amission posticipade**, a àn di presentâsi, fûr che tai câs di fuarce maiôr, li de portinarie de Cjase dal Student di assegnazion **dentri di 1 mê**s de date di amission fissade par sottoscrivi l'at di acetazion dal lozament e la documentazion relative, **se no a pierdaran il dirit al benefici**.

**Cheste prevision si le apliche ancje ai students assegnataris di un puest tal Ex Ospedâl Militâr.**

Il student al è assegnatari dal puest pal a.a. 2024/2025 de date di amission fissade in chest bant fin ai 31 di Lui dal 2025 (*si à di lassâ il lozament dentri des 9.00 dal 1<sup>n</sup> di Avost dal 2025*), gjavant i students assegnataris di un puest tal Ex Ospedâl Militâr, che, tal moment che a stipulin il contrat, a podaran concuardâ di restâ te strutture fin ai 31 di Avost dal 2025.

**In chel câs, al varà di paiâ la rete dal lozament pal periodi che chel spazi i è stât risiervât.**

I students assegnataris dal lozament tal Ex Ospedâl Militâr che a vuelin jentrâ dopo de date fissade a àn di mandâ une comunicazion ae direzion di pueste [info.trieste@joivy.com](mailto:info.trieste@joivy.com) dentri de zornade di amission definite tal calendari, zontant la atestazion di paiament de cauzion e de prime mensilitât. Se il messaç e la documentazion domandade no rivin dentri dai tiermins, no si à plui dirit a vê il benefici.

Lis situacions di impediment a àn di jessi comunicadis daurman aes direzions di pueste eletroniche [alloggi.trieste@ardis.fvg.it](mailto:alloggi.trieste@ardis.fvg.it) o [alloggi.udine@ardis.fvg.it](mailto:alloggi.udine@ardis.fvg.it) daûr de sede ARDIS di riferiment.

Il student al è assegnatari dal lozament pal a.a. 2024/2025 **de date di amission fissade in chest bant fin ai 31 di Lui dal 2025** (*al à di saltâ fûr dal lozament dentri des 9.00 dal 1<sup>n</sup> di Avost dal 2025*).

I students assegnataris di lozament a àn l'oblic di lâ daûr des normis dal **Regolament unic pe fruizion dal servizi abitatîf tes cjasis dal student** e di chel cun **criteris e modalitâts pal ûs, temporani e ocasionâl, des salis e di chei altris spazis comuns presints intes residencis**: ducj i doi si puedin consultâ tal sît [www.ardis.fvg.it](http://www.ardis.fvg.it)

**I students che tal moment de amission a vedin un debit cu la ARDIS par retis di lozament o impuarts di tornâ, a son sospindûts dal benefici fin che no regolarizin lis pendencis amministrativis cun ARDIS, fûr che tal câs che a sedin daûr a proviodi ae restituzion rateizade.**

**Inte stesse maniere, no puedin vê la assegnazion dal lozament chei students che no àn tornât dut ce che ur è stât domandât par dams fats tes cjasis dal student o par puliziis straordenariis che par chês a son responsabii.**

## **Articol 36 - Retis pal lozament**

### **Borsiscj**

Se i **students assegnataris** dal lozament tes Cjasis dal Student ARDIS o in chei altris lozaments dal art. 27.2.7 a son ancje assegnataris de borse di studi, l'impuart de borse di studi al è ridusût in maniere forfaitarie par une sume di:

- **€ 2.000,00** pal ûs dal lozament par 10 mês;
- **€ 2.200,00** pal ûs dal lozament par 11 mês.

Pai students che a son assegnataris di un minilozament intal E3 o tai Riçs la tarife pal servizi di lozament e je di:

- **€ 3.000,00** pal ûs dal lozament par 10 mês;
- **€ 3.300,00** pal ûs dal lozament par 11 mês.

e ven detrarre de borse di studi.

I **students assegnataris** dal puest che a àn presentât la domande di borse di studi **no** àn di paiâ lis retis intant che a spietin che a vegnin fûr lis graduatoriis definitivis, gjavâts i students che a saran lozâts tal ex Ospedâl Militâr, che a pararan in forme autonome al gjestôr la rete mensîl di 260,00 euros daûr des modalitâts e dai tiermins ripuartâts tal sît [www.ardis.fvg.it](http://www.ardis.fvg.it).

Pai students assegnataris dal puest che si laurein dentri di Dicembar dal 2024 al ven detrarre l'impuart **forfetari di € 700,00** pal servizi abitatîf.

Pai students assegnataris dal puest che si laurein tra Zenâr dal 2025 e Avrîl dal 2025 al ven detrarre l'impuart **forfetari di € 1.400,00** pal servizi abitatîf.

### **No borsiscj**

I students beneficiaris di lozament ma **no di borse di studi** a àn di paiâ cheste rete mensîl agjevolade:

### **Cjase dal student**

TARIFE MENSÎL	
stanzi singule	stanzi dople
€ 200,00	€ 175,00

La rete pal lozament e je mensîl e no je determinade su base zornaliere. I students che a cjapin possès dal lozament tacant dal 16 dal mês a àn di corrispuindi metât impuart de rete mensîl.

Pes modalitâts di paiament, fâ riferiment al art. 39.

I students che, pûr vint presentade domande tant che matriculis di lauree magjistrâl, di fat no si notin intal cors di lauree magjistrâl pal a.a. 2024/2025 e che ai 10 di Avost dal 2024 no son in possès dal recuisît di merit tant che semestri seguitîf, **a decjadin dal benefici dal lozament** e a àn di corispuindi par dut il timp de lôr permanence inte Cjase dal Student la rete previodude pai **students cun dome il recuisît di iscrizione** (v. art. 38.3).

I cambis di stanzie autorizâts in tipologjiis di lozament diversis fra di lôr a compuartin, tal câs che i students no sedin beneficiaris di une borse di studi, la aplicazion pal mês di trasferiment de rete de tipologjie di stanzie li che si reste par plui timp.

I cambis di stanzie fissâts de ARDIS che a tocjin i students assegnataris di minilozaments, a puartaran ae aplicazion des retis dal lozament di destinazion.

## **Articol 37 - Revoche e decjadence dal lozament**

Il benefici dal lozament al ven revocât ai students assegnataris intai câs previodûts dal **Regolament unic pe fruizion dal servizi abitatîf tes cjasis dal student**, di podê consultâ sul sît ARDIS, che a son ripuartâts ca sot:

- mancjât paiament di 3 retis di lozament, ancje no consecutivis;
- mancjance dai recuisîts previodûts di iscrizione, merit, anzianitât universitarie, redit e patrimoni, dopo di controis fats de ARDIS o di segnalazions rivadis de Universitât o di altris Aministrazions Publichis;
- presentazion di declarazions falsis o esibizion di documents cun dâts fals;
- violazions su lis normis di sigurece.

La revoche dal lozament determinade de **mancjance dai recuisîts** previodûts di chest bant e compuarte la domande di paiament des retis cu la tarife previodude pai students cun dome il recuisît di iscrizione pal periodi di assegnazion. Si precise che la revoche e compuarte il recupar des sumis ricevudis in maniere illegjitime cu la aplicazion des sanzions dal art. 10 tal câs di declarazions falsis.

I students dal prin an, assegnataris di lozament, che la borse di studi ur ven revocade par **no vê otignût la carateristiche di merit**, a àn di corispuindi pal timp di permanence inte Cjase dal Student lis retis previodudis dal articol 36 pai no borsiscj.

Ai students che si trasferissin intune altre sede universitarie o che a rinunziin ai studis pal a.a. 2024/2025 prime dal 1<sup>n</sup> di Lui dal 2025, il servizi di lozament al ven calculât cu la tarife indicade tal articol 36 pai no borsiscj, pal periodi di assegnazion.

L'assegnatari al decjât dal benefici dal lozament intai câs previodûts dal articol 11 di chest bant e dal **Regolament unic pe fruizion dal servizi abitatîf tes cjasis dal student**.

Il benefici dal puest assegnât tal ex Ospedâl Militâr al decjât ancje intai câs previodûts dal contrat di ospitalitât che il student al à stipulât cul gjestôr de strutture.



## **Articol 40 – Contribûts a concors**

Ai students iscrits ai agns dopo dal prin, assegnataris di lozament te strutture dal Ex Ospedâl Militâr di Triest, la ARDIS e dâ fûr, par sbassâ l'impuart de rete, un contribût integratîf di 30,00 euros al mêis, par dut il timp dal contrat.

I students che a saran lozâts in cheste strutture a paiaran in forme autonome al gjestôr la rete mensîl di 260,00 euros e a varan di dâi ancje une cauzion di 260,00 euros, daûr des modalitâts e dai tiermins ripuartâts tal sît [www.ardis.fvg.it](http://www.ardis.fvg.it).



## **Articol 44 – Contribûts a concors**

Ai students **che a son intes graduatoriis definitivis di lozament** tant che idonis no beneficiaris, che no ur vegni ufiert un puest intes cjasis dal student ARDIS o in chei altris lozaments dal art. 27.2.7, nancje dopo dal scoriment des relativis graduatoriis par esauriment dai puecj, che e finirà dentri dai 15 di Otubar dal 2024, ur ven assegnât un contribût sostitutîf pal lozament cu la cundizion che i students a

comunichin **dentri dai 21 di Otubar dal 2024**, ducj i dâts che a coventin di un contrat di fit a titul onerôs, regjistrât in maniere regolâr, di almancul 10 mêis, inte sede didatiche dal cors frequentât, li di privâts o di convits a titul onerôs pe durade compagne.

L'impuart dal contribût sostitutîf al è di € 1.500,00 par un contrat di locazion a titul onerôs di almancul 10 mêis. Il contribût al vignarà rideterminât se e je une interuzion anticipade dal contrat. Par chest motîf, il student al è obleât a comunicâ prin che al pues cualsisedi variazion leade al contrat di fit.

**Chest contribût nol ven concedût tal câs di rinunzie volontarie o di mancjade acetazion dal puest assegnât.**

La assegnazion dal puest tal ex Ospedâl Militâr no vâl pal otigniment di chest contribût.

ATENZION: par otignî il contribût, il student idone al à di produci dentri dai tiermins la comunicazion previodude dal art. 16.3 pe atribuzion de cualifiche di "fûr di sede".

CONTRIBÛT LOZAMENT PES  
SEDIS DI PUART, BOLZAN,  
CONEAN E VERONE

Scjadince  
ai 21 di Otubar dal 2024  
aes 13:00 (ore estive  
taliane/GMT+2  
/UTC+2/CEST)

## **Articol 48 – Tiermin e modalitât di presentazion de domande**

La domandis di contribût pal lozament a àn di rivâ ae ARDIS **dentri de scjadince dai 21 di Otubar dal 2024, aes 13.00 (ore estive taliane/GMT+2/UTC+2/CEST)** cu lis modalitâts previodudis dal art. 6 di chest bant.

## **Articol 49 - Contribûts a concors**

**Pai students iscrîts a cors di studi cun sede a Puart, Bolzan, Verone e Conean**, dulà che la ARDIS no gjestîs une residence universitaria in maniere direte, la ARDIS e da fûr un contribût sostitutîf pal lozament anuâl di € **1.500,00** par un contrat di locazion a titul onerôs di almancul 10 mêis. Il contribût al vignarà rideterminât se e je une interuzion anticipade dal contrat. Par chest motîf, il student al è obleât a comunicâ prin che al pues cualsisedi variazion leade al contrat di fit.

A vegnin metûts a concors **10 contribûts** par ogni sede di studis.

## **Articol 50 - Recuisîts specifics**

Di là di vê i recuisîts di iscrizion, merit, redit e patrimoni fissâts intes normis gjenerâls, i students che a domandin i contribûts pal lozament a scuegnin par fuarce vê lis carateristichis specifichis ca sot:

- a àn di jessi iscrits pal a.a. 2024/2025 a cors di lauree de Universitât dai Studis di Triest cun **sede a Puart**, o a cors di lauree de Universitât dal Friûl cun **sede a Conean, Bolzan e Verone**;
- a àn di jessi residents intun dai **comuns calculâts fûr di sede**, in relacion ae sede dal propri cors di studis, daûr di ce che al è fissât intal articol 16.3 di chest bant e inte zonte 1; pes sedis di Bolzan e Verone, i students che a fasin domande a àn di jessi residents intun dai comuns che a son lontans almancul 50 km di chês citâts;
- a àn di usufruî di un lozament a titul onerôs a front di un **contrat di locazion**, daûr di ce che al è fissât tal articol 16.3 di chest bant.

I students a àn di declarâ l'ûs efetîf dal lozament a titul onerôs **par almancul 10 mêis (contâts intal periodi cjaminât dentri tra il 1<sup>n</sup> di Setembar dal 2024 e i 30 di Setembar dal 2025)** dongje de sede universitarie (**vâl a dî i comuns calculâts di sede, in relacion ae sede dal cors**), indicant online i dâts dal contrat di locazion (la durade, la scjadince, il canul e i estrens di regjstrazion dal contrat). I students che a àn in vore un contrat cun scjadince prime di ce che al è fissât, e che a vuelin rinovâlu o stipulânt un gnûf, a son dut cûs calculâts idonis al contribût, ma a scuegnin par fuarce comunicâ ae ARDIS (inviand un messaç di pueste eletroniche ae direzion [info.trieste@ardis.fvg.it](mailto:info.trieste@ardis.fvg.it) o [info.udine@ardis.fvg.it](mailto:info.udine@ardis.fvg.it)) i dâts dal rinovament dal contrat che al è stât fat o dal gnûf contrat stipulât che ur permeti di rivâ ae durade dai 10 mêis di lozament a titul onerôs.

**Il canul mensîl dovût dal student**, al net des spesis pes utencis (par esempi: aghe, energjie eletriche, gas, telefon...) **nol pues jessi mancul di € 150,00.**

I students che, tal moment de compilazion de domande online no vedin declarât di vê cjaminât possès di un lozament a titul onerôs, a son tignûts a declarâ online in maniere seguitive inte sezion di pueste "Dâts dal contrat di locazion", e dut cûs **dentri des 13.00 dai 21 di Otubar dal 2024**, l'ûs dal lozament a titul onerôs par almancul 10 mêis contâts tal periodi cjaminât dentri tra il 1<sup>n</sup> di Setembar dal 2024 e i 30 di Setembar dal 2025, scrivint la direzion dal lozament stes, logât dongje de sede universitarie, il canul di locazion mensîl corispuindût, la durade dal contrat, la scjadince e i estrens di regjstrazion di chel stes.

**La sezion "dâts dal contrat di locazion" si podarà compilâ in maniere indicative dal 1<sup>n</sup> di Setembar dal 2024.**

CONTRIBÛT PE  
MOBILITÂT  
INTERNAZIONÂL

Scjadince  
ai 7 di Avrîl dal 2025  
aes 13:00 (ore estive  
taliane/GMT+ 2/UTC+2/CEST)

## **Articul 54 – Tiermins e modalitâts di presentazion de domande**

La domande di contribût pe mobilitât internazionâl e pues jessi compilate **dome dai students idonis o beneficiaris de borse di studi pal a.a. 2024/2025 in maniere indicative dai 4 di Març dal 2025 dentri de scjadince dai 7 di Avrîl dal 2025, aes 13.00 (ore estive taliane/GMT+2/UTC+2/CEST)** cu lis modalitâts previodudis dal art. 6 di chest bant.

## **Articul 55 – Contribûts a concors**

I contribûts pe mobilitât internazionâl a son riservâts ai students idonis o beneficiaris di borse di studi pal a.a. 2024/2025 che a partecipin pal stes an academic **a periodis di studi e di tirocini tal forest**, promovûts de Universitât dai Studis di Triest, de Universitât dal Friûl, dal Conservatori di Musiche “G. Tartini” di Triest, dal Conservatori di Musiche “J. Tomadini” di Udin e de Academie di Bielis Arts “G. B. Tiepolo” di Udin, sedi intal ambit di programs promovûts de Union Europeane che di programs ancje no comunitaris (convenziions bilaterâls), baste che il periodi di studi e/o di tirocini al vedi un ricognossiment academic in tiermins di credits, intal ambit dal propri cors di studis in Italie, ancje se pes finalitâts de predisposizion de prove conclusive.

Il contribût pe mobilitât internazionâl al è di **€ 600,00 su base mensîl** pe durade dal periodi di permanence tal forest, fin a un massim di dîs mêis, nol impuarte cuâl che al sedi il paîs di destinazion, e al pues jessi concedût **par une sole volte par ogni cors di istruzion superiôr**.

Dal impuart dal contribût di mobilitât, di € 600,00 su base mensîl, al ven gjavât il totâl de borse concedude peade ai fonts des Universitâts, dai Conservatoris e de Academie di Bielis Arts, de Union Europeane o di altri acuardi bilaterâl ancje no comunitari.

A vegnin rimborsadis **lis spesis di viaç** par lâ e tornâ li che si sedin doprâts i mieçs publics fin al impuart di € 100,00 pai paîs europeans e fin al impuart di € 500,00 pai paîs extraeuropeans, intal câs che il rimbors relatîf nol sedi za previodût de Universitât o dal Conservatori, dopo vê cjariâts i justificatîfs, **dentri de scjadince dai 31 di Dicembar dal 2025**, cu la procedure online che e vignarà ativade dopo che la graduatorie provisorie e je stade publicade.

Il timp di permanence tal forest al ven verificât cu lis Istituzions segnadis parsore e par ogni mê s intâr di permanence, calculât in maniere convenzionâl in 30 dîs, al ven erogât il contribût mensîl intâr, intant che par periodis di mancûl di un mê s il contribût al corispuindarà ai dîs di permanence efetive tal forest. Nol ven erogât nissun contribût pai **periodis di mobilitât fats in modalitât online de Italie** a titul di programs di studi o di tirocini promovûts de Universitât dai Studis di Triest, de Universitât dal Friûl, dal Conservatori di Musiche "G. Tartini" di Triest, dal Conservatori di Musiche "J. Tomadini" di Udin, de Academie di Bielis Arts "G. B. Tiepolo" di Udin.

Il contribût pe mobilitât internazionâl al ven paiât daûr des risorsis disponibilis e in câs ridusût ancje par sodisfâ il numar massim di students che a àn fat domande.

## **Articul 56 - Recuisîts specifics**

Di là di vê i requisîts di iscrizion, merit, redit e patrimoni fissâts intes normis gjenerâls, i students che a vuelin domandâ i contribûts pe mobilitât internazionâl a scuegnin:

- **partecipâ in maniere esclusive intal a.a. 2024/2025 a periodis di studi o di tirocini tal forest** promovûts de Universitât dai Studis di Triest, de Universitât dal Friûl, dal Conservatori di Musiche "G. Tartini" di Triest, dal Conservatori di Musiche "J. Tomadini" di Udin, de Academie di Bielis Arts "G. B. Tiepolo" di Udin pe partecipazion a programs di mobilitât internazionâl, sedi intal ambit di programs promovûts de Union Europeane, che di programs ancje no comunitaris (convenziions bilaterâls);
- **jessi beneficiaris de borse di studi** di chest bant intal a.a. 2024/2025;
- **il periodi di studi o di tirocini in ogjet al à di vê un ricognossiment academic in tiermins di credits intal ambit dal propri cors di studis in Italie.**

I students a àn di declarâ inte domande online di partecipâ a periodis di studi e di tirocini tal forest pal a.a. 2024/2025, come che al è riferît tal art. 55, il timp di permanence tal forest determinât al at de assegnazion de bande de Universitât, dal Conservatori o de Academie; a scuegnin ancje declarâ di no vê otignût pal stes cors di studi un contribût ARDIS pe mobilitât internazionâl.

**Eventuâls comunicaziions sul sprolungjament dal periodi di studi tal forest, se rivadis dopo dal tiermin di presentazion de domande di contribût, a saran cjapadis in considerazion dome se comunicadis dentri dal tiermin fissât pe presentazion des istancis di riesam.**

### **ATENZION**

Intal câs che il timp efetîf di permanence tal forest al sedi plui curt di chel declarât tal moment de compilazion de domande, dopo dai controis fats cui Ufiscis di Mobilitât Internazionâl des Istituzions

segnadis ca parsore, ARDIS e procêt a rideterminâ l'impuart dal contribût assegnât. Il student al à di tornâ ae ARDIS l'eventuâl impuart che al à cjapât in plui.

Il contribût pe mobilitât internazionâl al ven erogât cun chestis modalitâts:

- ai **students iscritti a agns dopo dal prin** in dôs ratis:
  - **il 50% dal impuart dentri di 60 dîs** de publicazion de graduatorie definitive, a cundizion che il periodi di mobilitât al sedi za scomençât;
  - la part che e reste dal contribût, cul rimbors des spesis di viaç, **ae fin efetive dal timp di permanence tal forest**, dopo verifiche dal ricognossiment dai credits leâts al periodi di mobilitât.

La ARDIS si riserve tal câs la pussibilitât di erogâ il contribût intune uniche soluzion.

- ai **students iscritti al prin an dai cors dopo vê otignût il merit** (20 CFU o 10 CFU pai cors cun esams dome anuâi) **ae fin efetive dal timp di permanence tal forest**, dopo verifiche dal ricognossiment dai credits leâts al periodi di mobilitât:
  - a cui che al oten i credits domandâts dentri dai 10 di Avost dal 2025 i ven erogât **dut l'impuart dal contribût**;
  - a cui che al oten i credits domandâts dopo dai 10 di Avost e fin ai 30 di Novembar dal 2025, **l'impuart dal contribût i ven dismiezât**;
- ai **students cun disabilitâts come che al è riferît tal art. 5**, cuant che a otegnin almancul 9 credîts:
  - a cui che al oten almancul 9 credits dentri dai 10 di Avost dal 2025 i ven erogât **dut l'impuart dal contribût**;
  - a cui che al oten i credits domandâts dopo dai 10 di Avost e fin ai 30 di Novembar dal 2025, **l'impuart dal contribût i ven dismiezât**.

La ARDIS e fâs i controis di ufici dal merit e e dispon i paiaments ogni trê mê.

## **ZONTIS**

### **Zonte 1 - Status dai students in sede, pendolâr e fûr di sede**

Chestis listis a determinin il status dai students: in sede, pendolâr o fûr di sede.

#### **Students iscrits a cors cun sede a Triest**

##### **IN SEDE:**

Residents a Triest, Mugle, San Dorligo della Valle, Monrupino, Sgonico e Duin-Nabresine

##### **PENDOLÂRS:**

Residents a Monfalcon, Staranzan, Roncjis di Monfalcon, Doberdò, Gardiscje, Segrât, Foian Redipulie, San Pieri dal Teritori, Turiac, Çarvignan, San Ganzian e, di là dai confins talians, chescj comuns: Cjaudistrie, Hrpelje-Kozina, Divača, Isule, Piran, Postumie, San Pieri dal Cjars, Sesane, Vipau e chestis localitâts: Koseze e Podgrad dal Comun di Ilirska Bistrica.

Residents in duçj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o ents.

##### **FÛR DI SEDE:**

Residents in duçj chei altris comuns che a lozin dongje de sede universitarie, doprant - a paiament - lis struturis residenziâls publichis o altris lozaments di privâts o ents par un periodi di no mancul di 10 mê.

#### **Students iscrits a cors cun sede a Udin**

##### **IN SEDE:**

Residents a Cjampfuarnit, Martignà, Pagnà, Pasion di Prât, Pavie, Paulêt, Puçui, Pradaman, Reane dal

Roiâl, Remanzâs, Tavagnà, Udin.

#### **PENDOLÂRS:**

Residents a Dael, Dartigne, Atimis, Bagnarie, Basilian, Bertiûl, Bicinins, Buie, Buri, Caprive, Cjasarse, Cjassà, Cjasteons di Strade, Çarvignan, Cjopris e Viscon, Cividât, Codroip, Colorêt di Montalban, Cormons, Cosean, Dignan, Faedis, Feagne, Flaiban, Glemone, Gonârs, Gurize, Listize, Magnan, Maian, Manzan, Merêt di Tombe, Muimans, Morteau, Murùs, Mosse, Nimis, Osôf, Palme, Porpêt, Premariâs, Ravis Darcjan, San Denêl, San Zorç di Noiâr, San Zuan dal Nadison, Sante Marie La Lungje, San Vît de Tor, San Vît di Feagne, Sedean, Talmassons, Tarcint, Torean, Tor di Zuin, Trep Grant, Tresesin, Trivignan, Visc.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

#### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mê.

### **Students iscritti a cors cun sede a Gurize**

#### **IN SEDE:**

Residents a Fare, Gurize, Mosse, San Florean dal Cuei, Savogne dal Lusing, e fûr dai confins talians, Nova Gorica.

#### **PENDOLÂRS:**

Residents a Buri, Caprive, Cormons, Doberdò, Duin-Nabresine, Foian Redipulie, Gardiscje, Manzan, Marian, Migjee, Monfalcon, Morâr, Romans dal Lusing, Roncjis di Monfalcon, Segrât, San Ganzian, San Zuan dal Nadison, San Luring dal Lusing, San Pieri dal Teritori, Staranzan, Turiac, Udin, Vilès.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

#### **FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no plui di 10 mê.

### **Students iscritti a cors cun sede a Pordenon**

#### **IN SEDE:**

Residents a Daçan, Cordenons, Vile di Flum, Fontanefrede, Pasian di Pordenon, Purcie, Pordenon, Prate, Lavorêt, San Quarin, Çopule.

**PENDOLÂRS:**

Residents a Darbe, Davian, Brugnere, Budoie, Cjanive, Cjasarse, Cjons, Codroip, Conean, Cordovât, Godega di Sant'Urbano, Manià, Montréal, Orsago, Polcenic, Preusdomini, Sacîl, San Zorç de Richinvelde, San Martin dal Tiliment, San Vît dal Tiliment, Secuals, Siest, Spilimberc, Susegana, Vaiont, Voleson Darzin, Vivâr.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

**FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mê.

**Students iscritti a cors cun sede a Glemone****IN SEDE:**

Residents a Dartigne, Bordan, Buie, Glemone, Magnan, Montenârs, Osôf, Trasaghis e Vençon.

**PENDOLÂRS:**

Residents a Damâr, Atimis, Cjassà, Cjavaç, Scluse, Colorêt di Montalban, Cosean, Dignan, Faedis, Feagne, Forgjarie, Lusevare, Mueç, Nimis, Ruvigne, Reane dal Roiâl, Resie, Resiute, Ravis Darcjan, San Denêl, San Vît di Feagne, Tarcint, Tavagnà, Tumieç, Trep Grant, Tresesin, Udin, Verzegnis.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

**FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par no mancul di 10 mê.

**Students iscritti a cors cun sede a Puart****IN SEDE:**

Residents a Puart, Cint, Gruâr, Tei, Pramaiôr, Danon, Fossalte, San Michêl dal Tiliment, San Stino di Livenza, Concuardie, Cjauris.

**PENDOLÂRS:**

Residents a Eraclea, Torre di Mosto, Ceggia, Salgareda, Ponte di Piave, Cessalto, Chiarano, Oderzo, Motta di Livenza, Mansuè, Ormelle, Meduna di Livenza, Preusdomini, Cjons, Siest, Cordovât, Morsan da lis Ocjis, Vildivar, Tisane, Lignan, Palaçûl, Prissinins, Rivignan Teôr.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

**FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par no mancul di 10 mê.

**Students iscritti a cors cun sede a Conean**

**IN SEDE:**

Residents a Codognè, Colle Umberto, Godega di Sant'Urbano, Mareno di Piave, Orsago, San Fior, San Pietro di Feletto, San Vendemiano, Santa Lucia di Piave, Susegana, Tarzo, Vazzola e Vittorio Veneto.

**PENDOLÂRS:**

Residents a Arcade, Cjanive, Cimadolmo, Cordignano, Fontanelle, Fregona, Gaiarine, Giavera del Montello, Nervesa della Battaglia, Ormelle, Pieve di Soligo, Povegliano, Refrontolo, Revine Lago, San Polo di Piave, Sarmede, Sernaglia della Battaglia, Spresiano.

Residents in ducj i comuns calculâts fûr sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

**FÛR DI SEDE:**

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancul di 10 mê.

## **Zonte 2 – Decret Ministeriâl n. 440 dai 13 di Fevrâr dal 2024 Definizion de liste dai Paîs une vore puars pal an academic 2024/2025**

Afghanistan  
Angola  
Bangladesh  
Benin  
Bhutan  
Burkina Faso  
Burundi  
Camboze  
Republiche Centriafricane  
Çad  
Comoris  
Republiche Democratiche Popolâr di Coree  
Republiche Democratiche dal Congo  
Zibuti  
Eritree  
Etiopie  
Gambia  
Guinee  
Guinee-Bissau  
Haiti  
Kiribati  
Republiche Democratiche Popolâr dal Laos  
Lesotho  
Liberie  
Madagascar  
Malawi  
Mali  
Mauritanie  
Mozambic  
Myanmar  
Nepal  
Nigjer  
Ruanda  
São Tomé e Príncipe  
Senegal  
Sierra Leone  
Isulis Salomon  
Somalie

Sudan dal Sud  
Sudan  
Republiche Arabe Siriane  
Tanzanie  
Timor Est  
Togo  
Tuvalu  
Uganda  
Yemen  
Zambia

### **Unitât organizative competente:**

Servizi intervents pal dirit al studi email

[info.trieste@ardis.fvg.it](mailto:info.trieste@ardis.fvg.it)

[info.udine@ardis.fvg.it](mailto:info.udine@ardis.fvg.it)

Sît istituzionâl: [www.ardis.fvg.it](http://www.ardis.fvg.it)

### **A son stâts individuâts:**

Responsabil dal procediment:

Direttôr dal Servizi intervents pal dirit al studi dot.e Raffaella Pengue

Responsabii de istrutorie:

titolâr di posizion organizative Servizis pe ospitalitât dot.e Cristiana Cattunar

titolâr di posizion organizative Beneficis universitaris Miriam Di Bernardo

## Contats – Sede di Triest

### **Sportel Informazions**

Salita Monte Valerio 3, 34127 Triest

[info.trieste@ardis.fvg.it](mailto:info.trieste@ardis.fvg.it)

Tel: 040 3595205

**Oraris dal sportel telefonic:**

dal lunis al vinars des 09.30 aes 12.00

### **Altris contats utii**

<b>Servizi</b>		<b>Telefon</b>
Borsis di studi		
Contribûts pal lozament		
Contribûts pe mobilitât internazionâl	<a href="mailto:info.trieste@ardis.fvg.it">info.trieste@ardis.fvg.it</a>	040 3595205
Rimbors de tasse regionâl		
Lozaments tal comprensori universitari di Triest e Gurize	<a href="mailto:alloggi.trieste@ardis.fvg.it">alloggi.trieste@ardis.fvg.it</a>	040 3595213/302
Servizi di ristorazion e di erogazion des tessarîs de mense	<a href="mailto:ristorazione.trieste@ardis.fvg.it">ristorazione.trieste@ardis.fvg.it</a>	040 3595357/207
Assistence tecniche informatiche	<a href="mailto:assistenza.informatica@ardis.fvg.it">assistenza.informatica@ardis.fvg.it</a>	

## Contats – Sede di Udin

### Sportel Informazions

Viâl Ongjarie 39/b, 33100 Udin

**info.udine@ardis.fvg.it**

Tel: 0432 245772

#### Oraris dal sportel telefonic:

dal lunis al vinars des 09.30 aes 12.00

### Altris contats utii

Servizi		Telefon
Borsis di studi		
Contribûts pal lozament	<a href="mailto:info.udine@ardis.fvg.it">info.udine@ardis.fvg.it</a>	0432 245772
Contribûts pe mobilitât internazionâl		
Rimbors de tasse regionâl		
Lozaments a Udin	<a href="mailto:alloggi.udine@ardis.fvg.it">alloggi.udine@ardis.fvg.it</a>	0432 245714
Lozaments a Pordenon, Gurize e Glemone	<a href="mailto:alloggi.udine@ardis.fvg.it">alloggi.udine@ardis.fvg.it</a>	0432 245715 0432 245716
Servizi di ristorazion e di erogazion des tessaris de mense	<a href="mailto:info.udine@ardis.fvg.it">info.udine@ardis.fvg.it</a>	0432 245717
Assistence tecniche informatiche	<a href="mailto:assistenza.informatica@ardis.fvg.it">assistenza.informatica@ardis.fvg.it</a>	